

Extractive Industries Transparency Initiativemi (EITI-mi) Kalaallit Nunaata candidate/compliant countrytut inissisimaffeqarsinnaaneraniq qulaajaanissaq siunertaralugu Naalackersuisut danskit naalagaaffiannut attaveqaqqusaanissaat pillugu Inatsisartut aalajangiussassaattut siunnersuut.
(Inatsisartuni ilaasortaq Doris Jakobsen, Siumut)

Akissutitut allakkiaq

(Inuussutissarsiornermut Aatsitassaqaqarnermullu Naalackersuisoq)

Siullermeenera

Kattuffimmut EITI-mut Kalaallit Nunaata qaninnerusumik attaveqarsinnaaneranut tunngatillugu qulaajaaqquusissutaasoq aammalu attavigeqqusissutaasoq qujassutigaa.

Ukiuni kingullerni EITI-p suliai nunatsinnit malittarineqartuarsimapput. 2011-mi aamma 2013-imi Kalaallit Nunaat EITI-p ataatsimeersuarnerani peqataasarsimavoq, soorlulusooq EITI-mi inissisimaffimmut siuariatornermullu tunngatillugu danskit oqartussaasuiniq oqaloqateqarneq ingerlanneqartuarsimalluni.

2013-imi EITI-p ataatsimeersuarnera nangillugu atorfilittatigut danskit ministereqarfiinut pingaarutilinnut najoqqutassiaqarnerusumik attaveqarnissaq sulissutigineqarsimavoq. Attaveqarneq ilaatigut Kalaallit Nunaata EITI-mut qaninnerusumik attaveqarsinnaaneranut tunngasuusimavoq.

Naalagaaffik Danmarki aqutigalugu Kalaallit Nunaat ullumikkut EITI-mik tapersersuisuusutut ilaasortaavoq. Taamatut inissisimaffeqartutut ilaasortaanerup aningaasatigut pisussaaffiit nassatarinngilai. *Candidate/compliant countrytut* ilaasortaaneq pisussaaffinnik amerlanernik nassataqassaaq, ilaatigut nalunaaruteqartuarnernik piusamaqaatinik. Taamaattumik *candidate/compliant*tut inissisimanerup pisussaaffiit piusamaqaatillu sorpiaat nassatarissaneraat qulaajaavigissallugit pingaaruteqassaaq.

Atorfilittakka peqatigalugit Danmarkimi Erhvervs- og Vækstministeriap (Inuussutissarsiornermut Siuarsarnermullu Ministereqarfiup) aamma Kalaallit Nunaanni Inuussutissarsiornermut Naalackersuisoqarfiup akornanni suleqatigiissitat pilersinneqartuni oqaluuserisassani EITI-p aalajangersimasutut oqaluuserisassaritinnissaa sulissutigisimavarput. Danskit tungaannit tamatumunnga tapersersuisoqarsimavoq, taamaattumillu ataatsimiinnermi takkuttussami siullermi sammisaq oqaluuserisassanngortinniarparput, taamaalilluta ingerlassassaq tamanna aallartisarneqarsinnaassamat.

Taamaattumik danskini oqartussaasunut attaveqarneq pilersinneqareerpoq, soorlulusooq ajornartorsiutaasut tamakku oqaluuserineqarsinnaaffiannik oqaluuserinniffissaq isumaqatigiissutigineqarsimalluni.

Ullumikkumut naleqqiullugu Kalaallit Nunaat EITI-mut qanoq attaveqalissanersoq suleqatigiissitani apeqqutit oqaluuserineqarsinnaasut ilagaat. Aammattaaq aningaasaqarnikkut

pissutsinik ajornartorsiutinillu pingaarutilinnik allanik tunngasunut apeqqutitut taama ittoqarpoq.

Taamaattumik Kalaallit Nunaata EITI-mut attaveqarnissaanut tunngatillugu paasisaqarniarnermik suliasamat ingerlaqqittussamat tunngatillugu ataani ingerlaqqinnissamat pilersaarut siunnersuutigissavara;

- *Inuusutissarsiornermut, Aatsitassaqarnermut Suliffeqarnermullu Naalakkersuisoqarfiup aamma Erhvervs- og Vækstministeriap akornanni suleqatigiinnissamik suleqatigiinni siunissami ataatsimiinnerni oqaluuserisassani aalajangersimasutut EITI ilanngunneqassasoq,*
- *piffissami kingusinnerusumi, aammalu danskini oqartussaasut oqaloqatigereernerisigut Norgemi EITI Sekretariatet saaffigineqassasoq, piumasagaatit pisussaaffigisallu il.il. annikitsortalersugaanerusumik paasinniffigineqarnissaat siunertaralugit,*
- *paasissutissat takkuttut tamakku tunngavigalugit Kalaallit Nunaata EITI-mut qaninnerusinnaasumik attaveqarnissaanut sinaakkutitut, ilanngullugit piumasagaatitut pisussaaffinnullu, isumalluutaasunut apeqqutitut inatsisitigullu ajornartorsiuteqarfinnut nalunaarusiortoqassasoq,*
- *ingerlassami killiffigisamik Inatsisartut ataatsimiititaliallu pingaaruteqartut ingerlaavartumik ilanngunneqarlutillu ilisimatinneqartassasut,*
- *EITI-mut qaninnerusumik attaveqalernissamik Kalaallit Nunaat sulissuteqassanersoq pillugu aalajangiussinissamat nalunaarusiaq Naalakkersuisunut aalajangiussinissamat tunngavissatut ilanngussarineqassasoq.*

Naalakkersuisut tungaanniit isumaqatigiissutigaarput danskit naalagaaffiannut attaveqarneq annertusarneqassasoq, Kalaallit Nunaata siunissamat tunngatillugu Extractive Industries Transparency Initiativemi (EITI-mi) inissisimaffeqarnissaanut periarfissanik qulaajaaniarneq siunertaralugu, taamaattumillu siunnersuut tapersorsorinnaavarput.

Taamatut oqaaseqarlunga Inatsisartut oqaluuserinneqqinnissaannut aalajangiussassatut siunnersuut tunniutissavara.